

MFA 2023

26. Key Stage 4 & 5 (Manx Gaelic Reading All Learners)

Daa Vuggane

Keayrt dy row, va buggane cummal dy kiune er y cheu heear jeh slieau. Er y cheu hiar jeh'n clieau va buggane elley cummal.

Ny keayrtyn, loayr ny bugganeyn ry-cheilley trooid towl 'sy clieau. Agh cha vaik yn derrey yeh yn jeh elley.

Fastyr beg dy row, deam y chield vuggane trooid y towl, "Vel oo fakin cre cho aalin as t'eh? Ta'n laa goll ersooyl."

"She ommidan uss!" Deam y nah vuggane er-ash. "Cha nel y laa goll ersooyl. She'n oie ta cheet stiagh."

"Ny cur ommidan orryms, thoot mooar as uss, er nonney bee corree ayms ort!" ren y chield vuggane gra.

Cho wheesh v'eh currit ass, s'goan va saveen cheet ersyn fud ny hoie. Va'n buggane elley boirit 'syn aght cheddin as s'olk va'n cadley echey.

Y moghrey er-giyn, va'n chield vuggane gennaghtyn dy moal lurg drogh oie. Deam eh trooid y towl, "She blebbin uss! Dooisht oo, ta'n oie goll ersooyl."

"She kione teayst uss!" dreggyr yn nah vuggane. "T'ou uss bolvaneagh! She'n laa ta cheet stiagh." As er shen, ren eh troggal clagh as ren eh ceau shen harrish y clieau.